

重修植物名實圖考

小野職慤重修
芳草類

廿五
上

重修植物名實圖考卷之二十五 上

清國 吳其濬原撰

日本

伊藤圭介 校閱
小野職慤 重修
岡松甕谷 句讀

芳草類

老虎刺

土荊芥

滇南薄荷

滇蘂本

野草香

地筍 シロネ

滇瑞香

滇芎

東紫蘇

白草果

香科科

蘭草 フヂバカマ

芎藭 オホバセンキウ

薺燕 無圖

隔山香

白芷 ヨロヒクサ

木香

澤蘭 サハヒヨドリ

土當歸

牡丹 ハツカクサ

蛇床子 ハナメウカ

杜若 ハナメウカ

青木香 無圖

當歸

芍藥 カホヨクサ

老虎刺



老虎刺

老虎刺、黔中、植以爲藩、細葉夜合、柔枝蓋偃、秋時結實、若豆而扁、下垂、片角薄、於蟬翼、淡紅明透、光映叢薄、緣石蓋瓦、樊圃護門、每當斜陽灑灑、輕颺漾漾、便如朱蛺欲飛、丹鱗出泳、田家雜興、描畫爲難矣、

文徵明

土荆芥



土荊芥

土荊芥、生昆明山中、綠莖有棱、葉似香薷、葉間開粉紅花、花罷結簞子、三尖微紅、似紫蘇蒴子、而稀疎、土人以代假蘇、

滇南薄荷




滇南薄荷

滇南薄荷、與中州無異、而莖方亦硬、葉厚短、氣味微淡、滇本草謂作菜食、返白髮爲黑、與他省不同、又治癰疽疥癬、及漆瘡、有神效云、



滇藁本



滇藁本

滇藁本、葉極細碎、比野胡蘿蔔葉、更細而密、餘同救荒本草、滇本草、治症無異、




野草香



野草香

野草香、雲南徧地有之、牆瓦上亦自生、莖葉微類荊芥、頗有香氣、秋作穗、如狗尾草、而無毛、開淡紅白花、滇俗、中元盂蘭、必以爲供、蓋藹車胡繩之類、而失其名、

野草香



地笋



地笋

地笋生雲南山阜、根有橫紋、如蠶、傍多細鬚、綠莖紅節、長葉深齒、



滇瑞香



滇瑞香

瑞香、本草綱目始著錄、蓋卽圖中所植、所謂麝囊、花紫風流者、不聞入藥、滇南山中、有一種白花者、的的枝頭、殊無態度、而葉極光潤、南越筆記、白瑞香、多生乳源山中、冬月盛開如雪、名雪花、刈以爲薪、雜山蘭芎藭之屬燒之、比屋皆香、其種以攀枝爲上、有紫色者、香尤烈、雜衆花中、衆花往往無香、皆爲所奪、一名奪香花、乾者可以稀痘、當亦用白花者耳、